



UNIVERSITÄTS-
BIBLIOTHEK
PADERBORN

**Praxis Beneficiorvm D. Petri Rebvffi Montispessvlani
Ivrvim Doct. Ac Comitiss, Ivrisqve Pontificii Ordinarii
Professoris Paris. & ibidem in supremo Senatu Causarum
Patroni**

Rebuffi, Pierre

Coloniae, 1610

III. Declaratio Gregorij XIII.

[urn:nbn:de:hbz:466:1-63686](https://nbn-resolving.org/urn:nbn:de:hbz:466:1-63686)

sumptis, manu alicuius Notarii publici inderogati subscriptis, & sigillo alicuius personæ ecclesiasticæ in dignitate constitutæ munitis, ea prorsus in iudicio, & extra, & aliàs vbilibet fides indubitata adhibeatur, quæ præsentibus adhiberetur, si essent exhibitæ, vel offensæ. Nulli ergo omnino hominum liceat hanc paginam nostræ declarationis, decreti, & voluntatis, infringere, vel ei ausu temerario contraire. Si quis autem hoc attentare præsumpserit, indignationem omni-

potentis Dei, ac Beatorum Petri & Pauli Apostolorum eius se noverit incursum. Datum Romæ apud S. Petrum, Anno Incarnationis Dominicæ, millesimo, quingentesimo, trigesimo quarto, Cal. Iulii, Pontificatus nostri Anno undecimo.

Blosius.

Leeta & publicata fuit in Cancellaria Apostolica, die 13. Iulii.

M. D. XXXVIII.

Et ego Laertius vidi regist. in quatuor. eiusdem Cancell. fol. 330.

DECLARATIO
GREGORII XIII. SUPER CONCORDATIS GERMANIÆ.

QVOD ORDINARII COLLATORES PRÆTEXTU litterarum Nicolai Papæ V. pro CONCORDIA Germaniæ, conferre non possunt beneficia ecclesiastica post tres menses ex quo vacarunt, si de illis intra hoc tempus à Sede Apostolica provisum est.

GREGORIVS Episcopus servus servorum Dei ad futuram rei memoriam.



VÆ in Ecclesiâ Dei incommoda inferunt, nostra nos expedit animaduersione mouere.

Cum itaq; per litteras scilicet Nicolai Papæ V. nationi Germaniæ pro illius vnitatis & concordia cum Sede Apostolica, inter alia concedatur, vt quoties aliquo vacante beneficio ecclesiastico, in mensibus Ianuarii, Martii, Maii, Iulii, Septembris,

& Nouembris, in quibus vacantium Germaniæ beneficiorum ecclesiasticorum dispositio dictæ Sedi specialiter reservata est, non apparuerit intra tres menses à die notæ vacationis in loco beneficii, quod alicui de illo Apostolica authoritate provisum fuerit, ex tunc & non antea Ordinarius, vel alius ad quem illius dispositio pertinet, de illo disponere possit, & sæpenuerò contin-

SSsss 2

gat, vt antequam inquisitio, quam
 plerumq; etiam in concursu plu-
 rium, siue in partibus, siue apud
 dictam Sedem fieri oportet, in vi-
 ram, mores, & doctrinam eorum,
 quibus de dictis beneficiis per Se-
 dem eandem prouidendum est,
 compleri possit, aut antequam de
 ipsis prouisionibus, seu de man-
 datis, quae ad inquisitiones, & pro-
 uisiones huiusmodi faciendas ab
 eadem Sede impetrantur, vel mo-
 tu proprio procedunt, literae Apo-
 stolicę conscribantur, vel etiam an-
 tequam mandata ipsa à iudicibus
 ad quos directae sunt, recipiantur,
 vel recepta expediantur, interdū
 quoque literis Apostolicis expedi-
 tis, & gratia purificata, seu man-
 datis praedictis receptis, & in-
 quisitione completa, antequam om-
 nimoda executio perficiatur, pro-
 3 pter diuersa impedimenta, quae
 frequenter succedunt, tempus
 trium mensium ex quo vacatio
 beneficii, in loco ipsius nota est,
 expiret, ac proinde Ordinarii lo-
 corum, aut alii ad quos talium
 beneficiorum dispositio, cessanti-
 bus Apostolicis reservationibus,
 pertinet, lapsō tempore praedicto,
 licet priusquam illud laberetur,
 prouisionis, siue alterius disposi-
 tionis de illis à dicta Sede iam gra-
 tia facta fuerit (quod ipsum ad
 4 tribuendum, & quarendum ius
 satis superque esse certa iuris in-
 terpretatione frequenter decla-
 ratum est) illa tamen conferre
 contentant: Quae de causa mul-
 tis religione, & pietate insigni-
 bus, quando ii post ostensum vir-
 tutis, & doctrinae suae specimen,
 atque inde emensos labores, &
 sumptus, beneficiis potiri debe-
 rent, alii praecipuos obtentu
 ordinariae collationis huius-
 modi contra aduersantur: Nos in
 5 dignum rati, quod temporis mo-
 ra, quam ad perferendam accu-
 ratius talium probitatem, industria,
 & alia requisita intercedere pro
 utilitate Ecclesiae necesse est, locū
 iniuriis aperiat, attendentesque
 verba praedicta (*in loco beneficii*) 6
 cum verbis (*nota vacationis*) quae
 protinus antecedunt coniungi,
 & ad illa dumtaxat referri, ac vo-
 luntatem concedentis, sensum-
 que concessionis, & literarum
 praedictarum sic esse, vt dispositio
 beneficii intra tres menses à die
 nota vacationis à Sede praedicta
 fieri, de qua gratia facta, alicubi
 apparere debeat, quemadmo-
 dum re inter vtriusque iuris in-
 terpretes iam pridem controuer-
 sa summa ratione iudicatum ap-
 pareret: vix enim est; vt itineribus
 non modo infestis, aut prohibitis, 7
 quod ferè semper aliquo contin-
 git, sed etiam expeditis, quis ex
 tam longinquis regionibus ad di-
 ctam Sedem profectus, & in ea ad
 expediendum negotium, vel pau-
 lispermoratus, in eadem se reci-
 pere tanta temporis angustia pos-
 sit, Quocirca aequitate, & iustitia
 suadentibus,

suadentibus, præsentium auctoritate declaramus concessionem Nicolai Papæ, & literas prædictas locum omnino non habere, quod
 8 Ordinarii, aut alii collatores prædicti, post lapsum trium mensium ex die notæ vacationis in loco beneficii disponere possint de vllis beneficiis prædictis, aliis sub concessione, & literis prædictis comprehensis extra Rom. Cur. in mensibus prædictis quoquo modo vacantibus, vel vacaturis, de quibus
 9 intra dictum tempus trium mensium per Romanum Pontificem, ac dictam Sedem qualiscunq; gratia, vel dispositio, aut concessio facta fuerit: Ne tamen cuiquam licitum sit factam à Sede prædicta dispositionem huiusmodi in longum obtegere, illi quibus deinceps gratiæ huiusmodi concedentur, earum concessionum fidem, & testimonium intra tres menses à die
 10 notæ vacationis in loco beneficii huiusmodi, vel dictis collatoribus significare, vel in ipso beneficii loco publicare quoquo modo teneantur. Decernentes omnes, & quascunq; dispositiones de dictis beneficiis ab eisdem collatoribus post significationem, seu publicationem huiusmodi tempore factas, nullas, & invalidas, nulliusque roboris, vel momenti fore. Sicq; in quibusvis causis pendentibus, & futuris iudicari debere. Nec non irritum, & inane quicquid secus super his ab eisdem

collatoribus, aut quibuscunq; aliis scienter, vel ignoranter contigerit attentari. Quod si forte
 12 quisquam collatorum prædictorum fuerit præsentium violator, eum à beneficiorum, & officiorum collatione tandem suspendimus, donec ipse veniam petens restitutionis gratiam à Sede prædicta meruerit obtinere. Cæterum volumus ut præsentium transumptis
 13 etiam impressis Notarii publici manu, & sigillo personæ in dignitate ecclesiastica constitutæ obsignatis, eadem prorsus fides in iudicio, & extra illud ubique locorum adhibeatur, quæ adhiberetur
 14 ipsis præsentibus, si essent exhibitæ, vel ostensæ. Nulli ergo omnino hominum liceat hæc paginam nostræ declarationis, decreti, suspensionis, & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri, & Pauli Apostolorum eius se noverit incursum. Datum
 14 Romæ apud S. Petrum Anno Incarnationis Domin. M. D. LXXVI. Calend. Nouemb. Pontificatus nostri Anno V.

Cæsar Glorierius.

M. Datarus.

Anno à Natiuitate Domini
 M. D. LXXVI. Ind. quarta die vero
 S S S S 3

xx. mensis Nouembris Pont. Sanctissimi in Christo Patris, & D. N. D. Gregorii diuina providentia Papa XIII. Anno V. retrospectæ literæ affixæ, lectæ, & publicatæ fuerunt, & per aliquod temporis spatium dimissæ in Valus S. Ioannis Lateranensis,

& Principis Apostolorum de Vrbe, ac in acie Campi Floræ per nos Ioannem Freyle, & Claudium Mongeat eiu- dem S. D. N. Papa Cursores.

Antonius Ludouicus
Magister Curso- rum.

QVÆSTIO I
SVPER CONCORDATIS
GERMANIÆ.

An sint Concordata Germaniæ.



Irabitur aliquis me hanc proponere quæstionē cum extrium Pontificum Nicolai V. Clementis VII. & Gregorij XIII. Bullis clarè constet de existētia Concordatorum: Sed hoc dubium nonnulli in Germania, quorundā, pro dolor, prælatorum animis malè imprimunt, & quascunq; ab Ordinariis, in quibuscunq; mensibus, & de cuiuscunq; generis beneficiis nulliter factas prouisiones cum multarū animarum periculo defendere non erubescunt: exclamantes, & fumam ac fucum congerentes ex illis verbis in libello illustrissimi Cardinalis Simonette de Reser. q. a. nu. 3. per quendam Grautium sic appositis: tamen si Germani has reseruaciones non admittant (prout neq; Galli) id manifestò nobis probant Abb. & Decius ad c. 5. de elect. ille. n. 4. hic nu. 1. quorum sententiis Bursarus loco præcitato (consi. 126. lib. 2. in 25. & 98. se subscripsit. Addimus pariter Casiodorum de cis. vnic. de pact. incipien. Concordata Germaniæ; & Ioa. Paul. Tolom. dec. 85. incip. V. irāunen. Canonicaus atq; Puteū dec. 47. incip. Nicol. V. li. 1. dicentes ex eo procedere, quia habent facultates benefici conferendi reseruacionibus, & expectatiuis non obstantibus. Qui hæc nuda verba iurium Sedis Apo-

stolica ignaris proponunt, non difficulter persuadent, Ordinarios Germaniæ posse conferre beneficia reseruacionibus minime consideratis, quasi nulla, vel nullius vigoris essent Concordata. Et exinde aliqui Sedis Apostolicæ prouisiones quibuscunq; Ordinariorum attentatis postponentes generalem formant propositionem. Germanis non obstat reseruaciones Pontificiæ nisi iuxta constitutiones Execrabilis, & Ad Regimen modificatas: & Concordata nihil aliud, quàm modificationem dictarum constitutionum continent. At tamen horum fraus, & dolus ex eiusdem Simonette libello, eodemque §. tamen si ab undè conuincitur, si dicti §. principium consideremus, & finem præmissis aduigamus: non enim dicit author, tamen si omnes reseruaciones, sed has, id est, quæ cum Concordatis pugnant. Et hæc interpretatio ex fine §. clarior euadit: nam post illa verba: quia habent facultates benefici conferendi reseruacionibus, & expectatiuis non obstantibus: mox subiungitur: Galli à Leone X. anno 1516. Germani autem à Nicolao V. ut idem Burs. ostendit ibid. num. 85. & sequ. quæ facultates Concordata appellantur. Vides igitur auctorem non omnes reseruaciones à Germanis remouere, sed eas solum, quæ facultatibus